



ՊԱՏԻՎ ՈՒՆԵՄ



ՀԻՄՆԱՎՈՐ ԳԻՏԵԼԻՔՈՎ ԴԵՊՒ ԱՐՇԱՆԱՊԱՏԻՎ ԾԱՌԱՅՈՒԹՅՈՒՆ Թիվ 8(58), 30 հոկտեմբեր, 2023թ.
ՀՀ ՆԳՆ ՈՍՏԻՎԱՆՈՒԹՅԱՆ ԿՐԹԱՅԱՍԱԼԻՐԻ ՊԱՇՏՈՆԱԹԵՐԹ

ԵՄ ՊԱՏՎԻՐԱԿՈՒԹՅՈՒՆԸ ՆԳՆ ԿՐԹԱՅԱՍԱԼԻՐՈՒՄ



edupolice.am

ՀՀ ՆԳՆ կրթահամալիր էին այցելել եւս «Իրավապահ համակարգի և անվտանգության աջակցման բարեփոխումներ» ծրագրի աջակից թոմաս Բիքմանսը, միջազգային փորձագետ Արթուրաս Քեմեզիսը և ազգային փորձագետ Արևիկ Սիմոնյանը: Հյուրերին դիմավորեց ՀՀ ՆԳՆ կրթահամալիրի ղեկավար կազմը՝ Կրթահամալիրի պետ, ոստիկանության

գնդապետ Մ. Մուրադյանի գլխավորությամբ: Մ. Մուրադյանը, ողջունելով հյուրերին, հատկապես կարևորեց համագործակցությունը միջազգային կազմակերպությունների և օտարերկրյա կրթական հաստատությունների հետ: Նա նաև նշեց, որ լայնածավալ բարեփոխումներ են ընթանում ՆԳՆ-ում, որի շրջանակներում ժամանակահունչ ու-



edupolice.am

սումնական ծրագրեր իրագործելու ջանքեր են գործադրվում: Շեշտադրվեց նաև քրեական ոստիկանության ստեղծմանն ուղղված ուսումնական ծրագրերի ներդրումը՝ կարևորելով ծառայողների հոգեբանական և հասարակության հետ հաղորդակցման պատրաստվածությունը: Հյուրերը շնորհակալություն հայտնեցին ջերմ ընդունելության համար և

շեշտադրեցին այն ուղղվածությունները, որի շրջանակներում իրականացնելու են բարեփոխման ծրագրերը՝ ՆԳՆ, ոստիկանություն, միգրացիոն ծառայություն և սահմանային անվտանգություն: Հանդիպման ավարտին հյուրերը ծանոթացան նաև Կրթահամալիրի առանձնահատկություններին, կառուցվածքին և գործառույթներին:

ՀՀ ՆԳՆ ԿՐԹԱՅԱՍԱԼԻՐԻ ՊԱՏՎԻՐԱԿՈՒԹՅԱՆ ԱՅՑԸ ԶԵՆԻԱՅԻ ՀԱՆՐԱՊԵՏՈՒԹՅՈՒՆ



ՀՀ ՆԳՆ պատվիրակությունը 2023 թվականի սեպտեմբերի 18-ին մեկնել էր Չեխիայի Հանրապետություն՝ 18-22-ը մասնակցելու BRS ծրագրի շրջանակներում «Երեխային հատուկ հարցաքննության սենյակում հարցաքննելու և հանցագործության զոհի հետ աշխատելու» թեմայով վերապատրաստման դասընթացին: ՀՀ ՆԳՆ կրթահամալիրը ներկայացնում էին Ակադեմիայի քրեական իրավունքի և քրեաբանության ամբիոնի

պետ, ի.գ.թ., դոցենտ, ոստիկանության փոխգնդապետ Հ. Խաչատրյանը, վարչական իրավունքի և ոստիկանության վարչական գործունեության ամբիոնի դասախոս, ոստիկանության կապիտան Ա.Կիրակոսյանը: Ծրագրի շրջանակներում հայկական պատվիրակությունը հանդիպումներ է ունեցել Չեխիայի Հանրապետության քրեական ոստիկանության և հետաքննությունների բյուրոյի (այսուհետ՝ USKPV) հանցավորության դեմ

պայքարի գլխավոր վարչության պետ, գնդապետ Սիրուլավ Ադամչիկի, USKPV-ի տեղակալ, գնդապետ Ռադեկ Սմեյդայի, Պրահայի ոստիկանության գլխավոր շտաբի պետի տեղակալ, գնդապետ Վոյտեխ Մոտիկայի հետ: Հանդիպումների ընթացքում քննարկվել են յուրաքանչյուր ծառայության առանձնահատկությունները, գործունեության արդյունավետության բարձրացման հնարավորություններն ու միջոցները:

ճանաչողական այցեր կատարվեցին նաև Չեխիայի ոստիկանության տարբեր ստորաբաժանումներ և ծանոթացան տեղի ոստիկանության կառուցվածքին, առանձնահատկություններին, հարցաքննության մոդելներին, հանցագործությունների քննության ձևերին, անչափահասների և ընտանեկան բռնությունից տուժած անձանց հարցաքննության առանձնահատկություններին:



edupolice.am

ՇՆՈՐՅԱՎՈՐՈՒՄ ԵՆՔ ՄԵՐ ԳՈՐԾԵՆԿԵՐՆԵՐԻՆ



Ծառայողական պարտականությունները բարեխղճորեն և բարձր պատասխանատվությամբ կատարելու, օրինականության ամրապնդման, հանցավորության դեմ պայքարի, հասարակական կարգի ապահովման և մարտական պատրաստականության գործում բարձր ցուցանիշներ ապահովելու համար, ինչպես նաև ի նշանավորումն Անկախության տոնի 32-տարեդարձի՝ ՀՀ ՆԳՆ նախարարի և ՆԳՆ նախարարի տեղակալ, ոստիկանության պետի հրամաններով պարգևատրվել են Կրթահամալիրի մի շարք ծառայողներ:

Խրախուսանքի արժանացած ներքոնշյալ ծառայողներին ՀՀ ՆԳՆ կրթահամալիրի պետ, ոստիկանության գնդապետ Մ. Մուրադյանն անձամբ հանձնեց մեդալներն ու կրծքանշանները՝ մաղթելով մասնագիտական վերելքներ ու հայրենիքին ծառայելու անսպառ եռանդ:

Խրախուսանքի արժանացած ծառայողները.

1. «Իրավակարգի ամրապնդման համար» մեդալով՝ Կրթահամալիրի պետի առաջին տեղակալ, ոստիկանության գնդապետ Միսակ Մարկոսյանը,
 2. «Ոստիկանության 100-ամյակ» հոբելյանական մեդալով՝ Կրթահամալիրի ակադեմիայի պետի տեղակալ, ոստիկանության գնդապետ Արտակ Յովհաննիսյանը,
 3. «Ոստիկանությունում զերազանց ծառայության համար» կրծքանշանով՝ Կրթահամալիրի քոլեջի ոստիկանության տակտիկական և տեխնիկական պատրաստականության ամբիոնի ղոցենտ, ոստիկանության փոխգնդապետ Վահագն Ֆրանկյանը,
 4. «Ոստիկանության զերազանց ծառայության համար» կրծքանշանով՝ Կրթահամալիրի ՈւՄՎ միջազգային համագործակցության և ՏՏ ներդրման բաժնի ավագ տեսուչ, ոստիկանության մայոր Արմեն Անտոնյանը:
- Մ. Մուրադյանը շնորհավորեց նաև Կրթահամալիրի պետի տեղակալ, ինքը և տնտեսական բաժնի պետ Հրաչիկ Մարգարյանին՝ «ոստիկանության գնդապետ» կոչմանն արժանանալու համար:



«ՀԱՍԱՐԱՎՈՒԹՅԱՆ ԽՈՑԵԼԻ ԽՄԲԵՐԻ ՀԵՏ ԵՈՇՏ ՈՒ ՆՐԲԱՆԿԱՏ ՕԳՆՈՒԹՅԱՆ ԿԱՐԵՎՈՐՈՒԹՅՈՒՆԸ»

ՀԱՏՈՎ ԴԱՍԵՆՈՒՄ՝ ՊԱՐԵԿԱՅԻՆ ՈՍՏԻԿԱՆՆԵՐԻ ՀԱՄԱՐ



«Հասարակության խոցելի խմբերի հետ շփումը պահանջում է հսկայածավալ հոգեբանական, իրավական պատրաստվածություն: Թիրախային խմբերում են նաև անչափահասները, ում հետ զրուցելիս պետք է առաջնորդվել «հավասար-հավասար» շփման սկզբունքով՝ հաշվի առնելով նաև տարիքային առանձնահատկությունները, վարքային դրսևորման մոդելները»: Սա երեխաների և ընտանիքների հետ աշխատելու համար պարեկային ծառայողների կարողությունների ընդլայնմանն ուղղված դասընթացից մի հատված էր, որը վարում էր Մանկական զարգացման հիմնադրամի հատուկ հոգեբան Հասմիկ Մնացականյանը:

Դասընթացը կազմակերպվել է ՄԱԿ Փախստականների հարցերով զբաղվող (ՄԱԿ ՓԳՀ), ՅՈՒՆԻՍԵՖ-ի հայաստանյան գրասենյակների, Մանկական զարգացման հիմնադրամի (CFD) նախաձեռնությամբ՝ համագործակցելով ՀՀ ՆԳՆ կրթահամալիրի հետ:

Դասընթացը մեկնարկեց հոկտեմբերի 11-ին: Առաջին խմբի ունկնդիրները Սյունիքի մարզում ծառայություն իրականացնող պարեկներն էին:

ՀՀ ՆԳՆ կրթահամալիրի պետ, ոստիկանության գնդապետ Մ.Մուրադյանը, անհրաժեշտ նախաձեռնություն իրականացնելու համար շնորհակալություն հայտնելով դասընթացի կազմակերպիչներին, ընդգծեց, որ առավել խոցելի անձանց հետ հաղորդակցվելիս կարևոր է ցուցաբերել ոչ միայն

իրավական, այլև հոգեբանական աջակցություն: Նա նաև իր երախտիքը հայտնեց պարեկային ծառայողներին այս բարդ ժամանակներում իրենց կատարած աշխատանքի համար:

ՅՈՒՆԻՍԵՖ-ի Արդարադատության մատչելիության ծրագրի պատասխանատու Վիկտորյա Օհանյանն էլ իր հերթին շնորհակալություն հայտնեց բոլոր մասնակիցներին և կազմակերպիչներին՝ կարևորելով նմանա-

հիմնված տարիքային, վարքային դրսևորումների առանձնահատկությունների վրա:

Դասընթացավարներից հատուկ հոգեբան Հասմիկ Մնացականյանն անչափահասների դեպքում կարևորեց նաև աշխատանքը ծնողների հետ: Նա նաև նշեց, որ իրավական ու հոգեբանական օժանդակության տրամադրումը պետք է իրականացնել առանց խախտելու անձնային սահմանները և կա-



տիպ նախաձեռնության անհրաժեշտությունը:

ՄԱԿ ՓԳՀ-ի պաշտպան Նահիրա Մարությանն էլ իր խոսքում ընդգծեց արցախահայ ընտանիքների հետ ճիշտ և նրբանկատորեն հաղորդակցվելու կարևորությունը, մասնավորապես՝ ոստիկանության ծառայողի համար:

Դասընթացի ժամանակ քննարկվեց ոստիկանների և արցախահայության հաղորդակցման առանձնահատկությունները, կարեկցանք ցուցաբերելու գրագետ ու նուրբ մոտեցումները՝

րողանալ կառավարել հուզական աշխարհը:

Հարցին, թե ինչպես կարելի է հաղթահարել անզորության զգացումը, հոգեբանը պատասխանեց, որ յուրաքանչյուր մարդ պետք է սկսի ինքնաճանաչողությունից: Հոգեբանը նաև պրակտիկ խորհուրդ տվեց օրվա ընթացքում գրի առնել վերապրած բոլոր հույզերը՝ դրանց մեջ չթաթախվելու ու բացասական զգացողությունները թիրախային խմբերին չփոխանցելու համար:

Դասընթացը շարունակական է:

ԿՐԹԱՀԱՄԱԼԻՐՈՒՄ ԴԱՍԱՎԱՆԴՈՂ ԳԻՏՆԱԿԱՆՆԵՐԻ ԹԻՎՆ ԱՎԵԼԱՑԱԿ ԵՎՍ ՄԵԿՈՎ

Օգոստոսի 12-ին Հայ-ռուսական համալսարանում գործող ԲՈԿ-ի 063 մասնագիտական խորհրդում ՀՀ ՆԳՆ ոստիկանության կրթահամալիրի ակադեմիայի օպերատիվ-հետախուզական գոր-

ծունեության և քրեագիտության ամբիոնի դասախոս, ոստիկանության մայոր Ալիսա Մանվելի Սմբատյանը պաշտպանեց թեկնածուական ատենախոսությունը՝ «Օպերատիվ-հետախուզական գոր-

ծունեությունը ՀՀ քրեական դատավարությունում» վերտառությամբ:

Կրթահամալիրի ողջ անձնակազմն ի սրտե շնորհավորում է նորընծա գիտնականին՝ մաղթելով մեծ հաջողություններ:



ՅԵՐԹԱԿԱՆ ԳՈՐԾՆԱԿԱՆ ՊԱՐԱՊՄՈՒՆԵԸ ՀՈՖ-ՈՒՄ



Սույն թվականի հոկտեմբերի 20-ին ՀՀ ներքին գործերի նախարարության կրթահամալիրի ակադեմիայի իրավագիտության ֆակուլտետի բակալավրիատի առկա անվճար ուսուցման 4-րդ կուրսի սովորողները՝ «Ընտանիքում բռնության և անչափա- հասանքի կողմից կատարվող իրավախախտումների կանխարգելումը» առարկայի գործնական պարապմունքը ՀՀ ՆԳՆ ոստիկանության կրթահամալիրի ակադեմիայի

ՕՐԳ և քրեագիտության ամբիոնի դոցենտ, ոստիկանության գնդապետ Ա.Սահակյանն անցկացրեց Հայաստանի Հանրապետության Հայ օգնության ֆոնդի (ՀՕՖ) երեխաների աջակցության կենտրոնում՝ նպատակ ունե-

նալով ամրապնդել սովորողների ձեռք բերած տեսական գիտելիքները:

Գործնական պարապմունքի ժամանակ սովորողներին ներկայացվեցին այն հանգամանքները, որոնք պատճառ են դառնում ՀՕՖ-ի երեխաների աջակցության կենտրոնում անչափա- հասանքի հայտնվելուն: Դրանք առավելապես ընտանիք չունեցող, անապաստան մնացած, լքված, մուրացկանությամբ զբաղվող կամ բռնության ենթարկված երեխաներ են, որոնք ձեռք են բերել նաև վարքագծի շեղումներ: Սովորողների ուշադրությունը հրավիրվեց կենտրոնում երեխաներին տրամադրվող տարբեր ծառայությունների մատուցման ձևերին՝ ոստիկանության իրավական ծառայություն, բուժօգնություն, հոգեբանական աջակցություն, հակաաթրեսային թերապիա և այլն:

Սովորողները տեղում համոզվեցին ոստիկանության աշխատակցի՝ տվյալ գործընթացում ունեցած առանցքային դերակատարման մեջ:

ՀԱՅԿԱԿԱՆ ԵՐԱԺՇՏՈՒԹՅԱՆ ՀԱՎԵՐԺԱԿԱՆ ԽՈՐՀՐԴԱՆԻՇԸ



Ահա նախախնամությունը նրան ուղղորդում է Մայր աթոռ Սուրբ Էջմիածին՝ Գևորգյան ճեմարան, և նա դառնում է ճեմարանի սան:

Ութսունմեկ թիվ. Վաղարշապատ՝ Էջմիածին: ճեմարանի բակում հավաքվել էին տարբեր գավառներից ուսման եկած աղվանազ մանուկներ, և նրանց մեջ երկչոտ, զուկուս ու մեկուսի կանգնել էր նա՝ հազիմ տարազ տաճկահայի, կարմիր շապիկ, կանաչ վարտիք, նախշուն գուլպա՝ վրան զուլեր, ու պոչավոր մաշված տղեր: Բոլորն իրար հետ խոսում, շփվում էին, իսկ նա՝ մեռած, ոնց խառնվել, ասեր-խոսեր. չէ՞ որ հայերեն լավ չգիտեր: Բայց ի՞նչ հույսով էր եկել. ո՞վ կընդունի, այն էլ... որտե՞ղ. մի հոգևոր ուսումնարան, որի սանը մի օր պիտի հագնի սպիտակ վարդապետի:

Երբ նա սկսեց թուրքերեն երգել, Կաթողիկոսը մթազնեց, հանկարծահաս զայրույթից ծնած կրակը վառվեց ծեր աչքերի մեջ, նրա շուրթերին ժպիտը սառեց:

Առաջին անգամ Վեհարանի հին պատերի մեջ, ուր հնչել են մեղեդիք ոսկի՝ «Հայր մեր», «Միայն սուրբ», ուր գրաբար է հնչել դարեդար և շարականն է հուզել բոլորին. Հովվապետն ինքը լսում է ինչ-որ մի մանկան անօրեն երգ... Բայց իր զուլավ ու կարկաչուն ձայնով փոքրիկը գերեց Կաթողիկոսին: Կաթողիկոսը մի պահ մոռացավ, թե ինքը որտե՞ղ է ի՞նչ է ամուս, ովքեր են շուրջը՝ իր Վեհարանում: Նա դանդաղ ժպտաց ու թաց աչքերով հազիվ բարբառեց.

-Որո՞շա՛կ իմ, ո՞րք իմ...
Ու ձայնը մարեց...

Նա ընդունվում է: Սովորելու տարիներին մեծ հետաքրքրասիրությամբ ուսումնասիրում է ժողովրդական երգերը, ինչն էլ ավելի

է խորացնում ուսուցչական տարիներին:

1894 թվականին ձեռնադրվում է արեղա և ստանում Կոմիտաս անունը: 1895 թվականին Կոմիտասին շնորհվում է վարդապետի հոգևոր աստիճան:

Նրա գիտական և ստեղծագործական գործունեությունը նոր էջ է բացում հայ երաժշտական մշակույթի պատմության մեջ: Կոմիտասը շրջում էր Հայաստանի տարբեր բնակավայրերով, գրի առնում հազարավոր ժողովրդական մեղեդիներ, այդ հարստությունը փրկելով ոչնչացումից՝ նա միաժամանակ զտում էր այն բացահայտելով հայ երգի նուրբ, ազնվական էությունը: Կոմիտասը լրջորեն զբաղվում էր նաև հոգևոր երաժշտությամբ, աշխատում էր հայկական խազերի վերածնունդին: Նրանով է սկզբնավորվել հայ երաժշտության պատմության նոր դարաշրջանը: Վազգեն առաջին կաթողիկոսն ասել է. «Հայ ժողովուրդը Կոմիտասյան երգի մեջ գտավ, ճանաչեց իր հոգին, իր հոգեկան ինքնությունը»:

Հսկայական են նրա ծառայությունները հայ երաժշտության մեջ:

Կոմիտասն ուսանել է նաև Բեռլինում՝ ուսումնասիրելով կոմպոզիցիայի տեսություն, հոգեբանություն, փիլիսոփայություն, խմբավարություն, մշակել է ձայնը, սովորել դաշնամուր ու երգեհոն նվագել: Այդ տարիներին գրել է երգեր, ռոմանսներ, խմբերգեր, մշակել ժողովրդական երգեր: Շատ մտերիմ էր Ռիխարդ Շմիդտի (մասնավոր կոմսերվատորիայի տնօրեն) ընտանիքի հետ: Վերջինս Կոմիտասի մասին գրել է. «Կոմիտասն արդեն մեծ վարպետ է: Ես հպարտ եմ նրանով: Ձգում եմ, որ ապրում են և ապրելու են Կոմիտասի մեջ»:

Կոմիտասը մեկնում է Փարիզ, ստեղծում երգչախումբ և հազարավոր մարդկանց գրավում իր ժողովրդական երգերով:

Բուռն գործունեություն է ծավալում տարբեր երկրներում մինչև Հայոց ցեղասպանությունը՝ 1915 թվականի ապրիլը: Օսմանյան կառավարությունը շատ այլ հայ մտավորականների հետ ձերբակալում է նաև Կոմիտասին և արտաքսում բանտարկյալների ճամբար: Սակայն անհայտ հանգամանքներում նրան չուտով ազատում են: Մինչև 1919 թվականը սկզբում տեղավորում են թուրքական ռազմական հոսպիտալում, իսկ հետո տեղափոխում Փարիզի հոգեբուժարաններ, որտեղ էլ տառապանքների մեջ անցկացնում է իր կյանքի վերջին տարիները:

Մեր ազգային երաժշտական մշակույթի հիմնադիր Կոմիտասի կյանքը ընդհատվում է 1935 թվականի հոկտեմբերի 22-ին: Նրա աճյունը տեղափոխում են Հայաստան և հողին հանձնում Երևանում՝ մշակույթի գործիչների պանթեոնում, որ հետո կոչվեց հենց նրա անունով:

Մենք միշտ բարձր պետք է պահենք ու չկորցնենք մեր ազգային արժեքները, չմանվելով օտարներից՝ ամբողջ աշխարհին ներկայանալով մեր մշակույթով՝ հետևելով մեծ կոմպոզիտորի՝ Արամ խաչատրյանի կոչին. «Կոմիտասը մեծ ժողովրդի մեծագույն կոմպոզիտորն է, մեր երաժշտության հոգևոր հայրը: Եվ ամեն մի հայ երաժիշտ պետք է խորն ուսումնասիրի Կոմիտասի երգը, որպեսզի չկտրվի մեր ժողովրդի երաժշտության ակունքներից»:

Լիանա Սահակյան
առաջատար մասնագետ

ՄԵԾԵՐԸ՝ ԿՈՄԻՏԱՍԻ ՄԱՍԻՆ

Ամեն անգամ, երբ կատարում են նրա երգերը, մտքումս հառնում է նրա դաժան ու մռայլ ճակատագիրը: Կոմիտասով տարվել են դեռ շատ երիտասարդ տարիներին և մեծ սիրով կատարել բոլոր համերգներում: Հետաքրքիր ու հուզիչ էր երգում հայրս Կոմիտաս: Շատ ու ամենուր երգել են Կոմիտասի անմահ «Կոմիտասը»: Անսահմանորեն սիրում են «Կոմիտաս» և քանի դեռ երգում են, ես չեմ բաժանվի նրանից: Կոմիտաս... սիրելի, անկրկնելի, մեծ Կոմիտաս:

ՊԱՎԵԼ ԼԻՍԻՑՅԱՆ

Ամեն անգամ, որ Կոմիտասի ձայնագրած ու դաշնակած ժողովրդական երգերը լսում են, կենդանանում է իմ աչքի առաջ նա իր ոգևորությամբ. ես զգում եմ և գիտեմ նրա կատարած գործը վաղանցիկ չի լինի և երկար, շատ երկար ժամանակ մեր բնիկ երաժշտական հնչյուններով սիրելի կդառնա շատ սերունդների:

ՄԱՆՈՒԿ ԱՐԱՔԱՅԱՆ

Անսահման հպարտությամբ և ուրախությամբ են գիտակցում, որ իմ հայրենիքն աշխարհին տվել է այնպիսի հրաշալի մի կոմպոզիտոր, ինչպիսին Կոմիտասն է: Ստեղծագոր-

ծական մեծ հուզմունքով են աշխատում Կոմիտասի ստեղծագործությունների վրա, դրանք ինձ հսկայական բավականություն են պատճառում:

ՋԱՐՈՒՅԻ ԴՈՒՈՒՍԱՆՅԱՆ

Ասում են՝ Կոմիտասը հայկական Բախ է, Շուբերտ: Այդ բոլորը լավ է, դրանց մեջ ճշմարտություն կա, բայց Կոմիտասը Կոմիտաս է, միայն ու միայն Կոմիտաս: Չէ՞ որ մեծ արվեստագետները մեկը մյուսին կրկնել չեն կարող: Իսկ իմ Կոմիտասն ահա այնպիսին է, ինչպիսին կա, արդեն տեսնում եք:

ԵՐԱՆԴ ՔՈՉԱՐ

Ես զարմանում եմ, որ 25 տարի սրանից առաջ փոքրիկ Հայաստանը տվել է մի Կոմիտաս, որի ստեղծագործություններն իրենց գեղարվեստական կառուցվածքի և արժեքի տեսակետից հազիվ կարելի կլինե՞ր սպասել Ռուսաստանի խոշոր կենտրոններում ապրող նույն ժամանակի ամենահայտնի ռուս կոմպոզիտորներից:

ՄԻՍԱՅԵԼ ԳՆԵՍԻՆ

Ես Կոմիտասին համարում եմ հայկական երաժշտության հավերժական խորհրդանիշ,

իսկ նրա ստեղծագործությունը՝ մեծագույն օրինակ և աղբյուր, որից ներշնչանք կստանան հետագա հայ բոլոր կոմպոզիտորները: Ինձ հատկապես հոգեհարազատ է լակոնիկությունը, պարզությունը, պարկեշտությունը երաժշտության մեջ և երաժշտական միջոցների խնայումը:

ԱՌՆՈՒ ԲԱՐԱԶԱՆՅԱՆ

...Ճշմարտապես Կոմիտաս հասկանալու համար բացսիրտ ու լայնախոս պիտի մոտենաս նրան, ուժով զսպես աչքերիդ մեջ ակամա կուտակվող արտասուքը, որ անմշուշ տեսնես, լսես ժողովրդիդ ու նրա զավակի՝ Կոմիտասի լուսավոր, հուզառատ հոգին:

ԳՐԴԱՐ ԳԱՍՊՆԱՅԱՆ

Ժողովուրդն ինքն իրեն տեսնում է՝ նայելով իր այն զավակներին, որ սերել են նրա ոսկրից ու ծունից, կաղապարվել՝ ըստ նրա հավաքական կերպարի, ու ժառանգել ամենայն հայրականը: Ժողովուրդն է ստեղծում նրանց՝ ի մի հավաքելով իր ամբողջ ցանուցի բազմամիստությունը, բայց հենց որ ծնեց, ինքը՝ ժողովուրդն էլ լուսավորվում է այդ բազմամիստի ներքին ճառագույնից: Այս վերառումով էլ՝ ոչ միայն ժողովուրդն է նրանց ծնում, այլև

նրանք են ժողովուրդ վերածնունդ: Կոմիտասն այդպիսի ծնունդ էր, և նրա պարզաձայն լույսը դեռ երկար պիտի անդրադառնա պարզազորի դեմքին և արտացոլվի նրա հոգու մեջ:

ՊԱՐՈՒՅԻ ՄԵՎԻՍ

Կոմիտասը... Եթե Հռիփսիմելի վանքը Հայաստանի, հայ ժողովրդի ոգու և էության քարակերտ պատկերն է, միջնադարյան մանրանկարչությունը՝ Հայաստանի գույնը, Սասնա Դավիթը՝ խոսքը, ապա նա՝ Կոմիտասը, Հայաստանի ծայրն է՝ զուսպ, խոր, առնական, բայց փխրուն, տաք, կարոտած, լի հառաչանքով, այլև օրհնությանը, արցունքով, այլև ժպիտով, թախծով, այլև լույսով, անհուն, անսահման լույսով: Կոմիտասով այդ ձայնը լսելի է դառնում աշխարհին:

ՍԻԼՎԱ ԿԱՊՈՒՏԻՎՅԱՆ

Կոմիտասն անմութեղեն ու հազարազույն մի էություն-տաճար է. նրա դառն ընտանալու համարձակությունն է իրավունք կարող են ունենալ նրանք, ովքեր ժողովրդի մեծ արվեստի նկատմամբ ունեն երկյուղածություն և սրբազան դող:

ՀՈՎՀԱՆՆԵՍ ԶԵՔԻՉՅԱՆ

ՊԵՏՔ Է ՀԱՎԱՍԱՐՎԵԼ ՍՈՎՈՐՈՂԻ ՀՈԳԵԿԱՆ ԱՍՏԻՃԱՆԻՆ

Ջրույց՝ մանկավարժության մասին

«Դու լավ ուսուցիչ չես լինի, եթե կենտրոնանաս միայն անելիքիդ վրա և ուշադրություն չդարձնես, թե ով ես դու»: Ռուդոլֆ Շտայնե-րի այս խոսքերով շնորհավորում ենք բոլոր մանկավարժներին՝ ուսուցչի միջազգային օրվա կապակցությամբ:

Մանկավարժության էության, դերի, մեթոդների մասին զրուցել ենք ՀՀ ԵՊՆ կրթահամալիրի ուսումնական կենտրոնի նախնական մասնագիտական պատրաստակալության բաժնի պետ, ուստիկանության փոխգնդապետ Հայարի Քելիջյանի հետ: Ուստիկանական բուհում դեկավար պաշտոն զբաղեցնելուց բացի նա նաև երկար տարիներ դասավանդում է «Հայոց լեզու և խոսքի մշակույթի հիմունքներ», «Օտար լեզու (անգլերեն)» առարկաները:

Վարչարարություն և դասավանդում: Ինչպե՞ս եք կարողանում համատեղել:

-Առաջին հայացքից երկուսի համատեղումը կարող է մարտահրավերային ու բարդ թվալ, սակայն հավատացնում են, որ մեկը մյուսին չի խանգարում, ավելի լրացնում է: Դասավանդման դաշտում սովորողներին և նրանց խնդիրներին մոտ լինելն օգնում է լուծումները գտնել վարչարարության դաշտում:

«Եթե մանուկը չի հասկնար ձեր դաստիարակությունը, հանցանքը ձերն է, որովհետև չեք կրցած հասկնալ անոր հոգին. պետք է վար իջնել մինչև անոր հոգեկան աստիճանը և զայն առնելով ձեզի հետ բարձրացնել»: Մանկավարժության վերաբերյալ Կոմիտասի այս հայտնի խոսքերը կիրառելի՞ են 21-րդ դարի ուսանողի համար:

-Կոմիտասյան այս խոսքերը դեռ դարեր շարունակ կմնան արդիական: Պետք է հավասարվել սովորողի հոգեկան աստիճանին, գնահատել նրա ուսման կարիքները, որպեսզի դասավանդման գործընթացի ոչ ճիշտ կազմակերպումը չհանգեցնի սովորողի հիասթափությանը և հուսալքմանը:

Ինչպե՞ս եք միաձուլում խստությունն ու կարգապահությունը դասը վարելու ինտերակտիվ մեթոդի հետ:

-Խստությունն ու կարգապահությունը ինտերակտիվ (փոխներգործուն) ուսուցման մեթոդների հետ միաձուլելը ստեղծում է դինամիկ և արդյունավետ ուսումնական միջավայր: Այդ հավասարակշռությանը հասնելու համար կատարում են դասընթացի հստակ պլանավորում և հետևողական են լինում դրա իրականացմանը: Այն օգնում է ստեղծել մի միջավայր, որտեղ սովորողներն ակտիվորեն ներգրավված են, բայց նաև հաշվետու են իրենց ուսման և վարքագծի համար:

Ինչու՞ է Հայոց լեզվի ուսումնասիրությունն անհրաժեշտ ուստիկանների գործնական աշխատանքում:

-Դասընթացի հիմնական նպատակը սո-



վորողների իրավական լեզվամտածողության, ճիշտ և տրամաբանված մասնագիտական խոսք կառուցելու կարողությունների ձևավորումն է: Բացի տեսական նյութի ուսումնասիրումից, դասընթացը ներառում է բազմաթիվ գործնական պարապմունքներ: Սովորողներին ներկայացվում են վարչազոր-ծարարական տեքստերի (իմնականում գործնական գրությունների՝ զեկուցագիր, դիմում, տեղեկանք և այլն) ճիշտ կառուցման առանձնահատկությունները: Հետաքրքիր են անցնում նաև լսարանային բանավեճերը, որոնք իրականացվում են խոսքի զարգացման, բառապաշարի հարստացման նպատակով:

Նշեք ուստիկանական բուհում անգլերեն դասավանդելու երեք առանձնահատկություն:

- Առաջին առանձնահատկությունն այն է, որ դասավանդման հիմքում դրված է մասնագիտացված անգլերենը՝ իր բառապաշարով և տերմինաբանությամբ: Երկրորդ առանձնահատկությունն այն է, որ դասապրոցեստում կիրառվում են դերային խաղեր և սիմուլյացիոն վարժություններ՝ լեզվական հմտությունները կոնկրետ համա-

տեքստում զարգացնելու համար: Իսկ որպես երրորդ առանձնահատկություն կարող են նշել փոխհամագործակցության համատեքստում տարբեր մշակութային ծագում ունեցող անհատների հետ ճիշտ և արդյունավետ հաղորդակցվելու հմտությունների կատարելագործումը:

Մասնագիտական անգլերենի ո՞ր բաժն են առավել դժվարությամբ մտաբերում սովորողները:

Ոչ միշտ, բայց երբեմն դժվար են մտաբերում «indictment» (թարգմանաբար՝ մեղադրական եզրակացություն) բառի ճիշտ արտասանությունը:

Ի՞նչ մեթոդներով կարելի է դրդել անգամ ամենաձուլյ ուսանողին սովորել հետաքրքրությամբ:

-Այս հարցում օգնության են գալիս ուսուցման փոխներգործուն (ինտերակտիվ) մեթոդը և խմբային աշխատանքները, երբ սովորողն ակամա մասնակից է դառնում դասապրոցեսին: Այսինքն՝ եթե սովորողն իր համար առաջնային հետաքրքրություն չի համարում դասընթացին ներգրավվելն ու աշխատելը, ապա խմբային աշխատանքի դեպքում ոչ թե սեփական, այլ խմբի շահերից է բխում իր մասնակցությունն ու ակտիվությունը: Սովորողներին նրբանկատորեն բացատրվում է նաև հայտնի խոսքերի իմաստը: «Ձեր կյանքը հիմա այն ամենի արդյունքն է, ինչն արել եք մեկ տարի առաջ: Ձեր կյանքը մեկ տարի անց կլինի այն ամենի արդյունքը, ինչ անում եք հիմա»:

Մի պահ պատկերացնե՞ք, որ ես Ձեր ուսանողն եմ և այսօրվա դասին պատրաստ չեմ: Ձեր խոսքը:

-Չմայած համոզված եմ, որ քո պարագայում նման բան լինել չի կարող (ժպտում է), այնուամենայնիվ, կասեմ հետևյալը. «Եթե առաջադրանքները կատարելու խնդիր ունես, վստահ կարող ես դիմել ինձ, որպեսզի օգնեմ քեզ: Ես այստեղ եմ հենց դրա համար»:

Ջրույցեց ուստիկանության կապիտան Անի Ղուկասյանը

Ջրույցեց ուստիկանության կապիտան Անի Ղուկասյանը

Ստեղծագործում են մերոնք

ԻՆՔՆԱՍՈՒԱՑ

Թե օվկիանոսները ելնեն ափերից, Ու խավարներում կյանքը մահամա, Մեկ է, սիրելիս, կհիշեն ես քեզ, Թեկուզ և կյանքս այդպես վերջանա:



Եթե աստղերը հուշեն երկնքից՝ Ինձ համար պահված է փշոտ մի ճամփա, Մեկ է, պաշտելիս, կփնտրեն ես քեզ Արախտներում՝ դաժան, անխնա:

Ու թե դու դառնաս հեռու և անտես, Օտար ճամփեքում անդադար շրջես, Ճանփաներ փնտրես, հավերժ դեգերես, Ես խուլ ականջով ու կույր աչքերով Գիշերներն ամբողջ միայն քեզ համար Աղոթքներ կանեմ անվերջ, անդադար:

Կխնդրեմ Աստծուց՝ բարիքներ տա քեզ, Որ վերադարձի ճամփեքով գերվես: Ու ես կաղերսեմ՝ կյանքը ճանաչես, Ճիշտն ու սխալը իրարից զատես. Չտրվես օտար համոզմունքներից, Նաև անբուն գիշերներ բերած Քո հուզմունքներին:

Դու կյանքին նայես շիտակ աչքերով Ու սիրես մեկին այնքա՛ն մեծ սիրով, Որ ապրես անհոգ ու շատ երջանիկ, Լինես ինձ հեռու, բայց այնքա՛ն մոտիկ: Ու քո մեծ սիրով ու ապրումներով Ինչքան էլ տարվես, Մեկ է, սիրելիս, կհիշեն ես քեզ, Մեկ է, սիրելիս, կներեն ես քեզ:

Գրե՛տա Ալեքսանյան Կրթահամալիրի շրջանավարտ

Սեկ է, սիրելիս, կներեն ես քեզ: Մեկ է, սիրելիս, կներեն ես քեզ:

ՆՈՐԻՑ ԿՈՒԿ

Նորից կռիվ է, ու՞ր ես, դյուցազուն. Արկի ծայրերը քեզ չե՞ն խանգարում, Ու՞ր ես, Գաբրիել, ու՞ր ես, իմ եղբայր, Ելել են ոտքի պապ, եղբայր ու հայր:



Ու՞ր ես, իմ ուժե՛ղ, իմ անպարտ եղբայր, Վտանգի տակ է հայրենիքը մայր, Կռվի են ելել կանայք, աղջիկներ, Կորցնում ենք կյանքեր, թանկ հայրենիքներ:

Ու՞ր ես, իմ առյուժ, ինչու՞ ես քնել, Ազգին դու՛ ես պետք, ուզում է ապրել, Բոլորն անցել են մարտական դիրքի, Ոչ ոք չի կանգնել կողքին քո զենքի: Ձենք շարքերի արանքով նայում, Հազարների մեջ նա քեզ է փնտրում,

Ու՞ր ես, դյուցազուն, հասի՞ր օգնության, Հաշվարկներ արա՛ հանուն փրկության: Ձարկի՞ր թշնամուն, թույլ մի՛ տուր շնչեն, Նրանք քո ուժից իսպառ կկորչեն, Ձնջի՞ր թշնամուն, վերացրու՛ կրկին, Արի՛, տե՛ր կանգնի՞ր քո հայրենիքին:

Մելսիհա Ավետիսյան Իրավագիտության ֆակուլտետ, 3-րդ կուրս

ԽՈՐՀՈՒՄ ԵՆ ՄԵԾԵՐԸ

*** Խոսքը մարդու հետ իր մասին, և նա ձեզ կլսի ժամերով: Բենջամին Դիզրաելի	*** Բավական է միայն մարդ դառնա մշանավոր, իսկույն գտնվում է դպրոցում նրա կողքին նստած ինչ-որ մեկը: Քին Հաբարդ
*** Դիպլոմը թույլատրում է սխալվել ավելի վստահորեն: Անտոն Լիզով	*** Կրթությունը գիտելիքների քանակը չէ, այլ լիակատար ըմբռնումն ու հմուտ կիրառումն այն ամենի, ինչ գիտես: Դիստերվեզ
*** Հունորի զգացումը մարդկության ամենամեծ օրհնություններից մեկն է: Ոչինչ չի կարող դիմանալ ծիծաղի հարվածին: Սարկ Տվեն	*** Եթե չես ուզում նստեն վզիդ, ցածր մի խոնարհվիր: Ուինսթոն Չերչիլ
*** Կատարելությունն անհասանելի է: Սակայն եթե մենք ձգտենք կատարելության, մենք կհասնենք անհավանական արդյունքների: Վինս Լոմբարդի	*** Ցանկացած ազգին տիրելու համար անհրաժեշտ են փոքրաթիվ դավաճաններ և բազմաթիվ հիմարներ: Ուինսթոն Չերչիլ



ԻՆՏԵԼԵԿՏՈՒԱԼ ՀԱՐՑԵՐԻ ԱՆԿՅՈՒՆ

- Հին հռոմեական անեծք. «Թող քո բոլոր ատամները թափվեն, մնա միայն մեկը...»: Ինչի՞ համար:
- Հոգեբանները խորհուրդ են տալիս. «Երբեք մի վիճիր հիմարի հետ: Մարդիկ կարող են ...»: Ի՞նչ կարող են անել մարդիկ:

Նախորդ համարում զետեղված հարցերի պատասխանները

- Գրիպ:
- Դատավորից: